

(radni prevod)

## JAVNI POZIV ZA UČEŠĆE

### Misija OSCE-a u Bosni i Hercegovini

sa zadovoljstvom objavljuje poziv za učešće na takmičenju škola pod nazivom

#### *Ponosni na svoju školu*

Misija OSCE-a u Bosni i Hercegovini (Misija) poziva osnovne i srednje škole u Bosni i Hercegovini da se prijave s primjerima kreativne inkluzivne prakse koji promoviraju inkluzivnost u školama, potiču dobrobit i učenje svih učenica i učenika, te učešće učenica, učenika i njihovih roditelja u životu i radu škole.

Željeli bismo odati priznanje školama i zajednicama koje svojim pozitivnim primjerima, aktivnostima i praksom njeguju toleranciju, poštovanje prema drugima i otvorenost.

Takmičenje potiče škole da traže i iskoriste inspiraciju za inkluzivnu školsku praksu kroz aktivnosti koje provode tokom procesa planiranja inkluzivnog razvoja škole. Komisija će odabrati osam najboljih primjera inkluzivne školske prakse (dva po svakoj temi) koji će biti nagrađeni i široko promovirani kako bi se prepoznale i potakle takve pozitivne promjene.

#### **Teme**

1. Uključenost Roma
2. Međunacionalne aktivnosti pomirenja kojima se pružaju mogućnosti za bolje uzajamno djelovanje, saradnju i učenje između roditelja, učenica, učenika, nastavnica i nastavnika
3. Uključivanje roditelja u život i rad škole i procese donošenja odluka
4. Učešće učenica i učenika u donošenju odluka u školi

#### **Prijave**

Da bi bila važeća, u prijavi treba opisati inkluzivnu školsku praksu kojom se doprinosi poboljšanju inkluzivnosti škole i razvoju učenja i učešća u životu i radu škole, a provodi se u školi tokom školske 2020/2021 i/ili 2021/2022. godine.

## Prijavljivanje na takmičenje

Prijavu s naznakom *Ponosni na svoju školu* treba poslati poštom u sjedište Misije u Sarajevu ili dostaviti u terenske urede. Prijavljivanje treba izvršiti putem: [Prijavni obrazac za takmičenje škola](#). Svaka prijava treba da sadrži sljedeće:

1. Podatke za kontakt
2. Opis inkluzivne školske prakse, njen utjecaj i održivost u najviše 1200 riječi (dvije stranice kucanog teksta)
3. Sredstva provjere, kao što su kopije školskih zapisnika, fotografije, video snimci, objave na web stranici škole, medijski članci, iskustva i izjave učesnica i učesnika i slično

## Pravila i uvjeti

1. Javni poziv za učešće otvoren je za sve osnovne i srednje škole u Bosni i Hercegovini.
2. Za takmičenje se mogu prijaviti primjeri inkluzivne školske prakse koji se provode tokom školske 2020/2021 i/ili 2021/2022. godine.
3. Primjeri inkluzivne školske prakse trebaju biti usmjereni na kreativne načine promoviranja inkluzivnosti u školama, poticanja dobrobiti i učenja svih učenica i učenika, kao i učešća učenica, učenika i njihovih roditelja u životu i radu škole. Prijave za takmičenje treba dostaviti u periodu od 1. maja do 30. juna 2022. godine. Neblagovremene ili nepotpune prijave neće se razmatrati.
4. Pristigli primjeri inkluzivne školske prakse će se ocjenjivati na osnovu sljedećih kriterija:
  - a) primjerenost temama;
  - b) uključenost pripadnica i pripadnika svih konstitutivnih naroda, nacionalnih manjina i drugih, gdje je to primjenjivo;
  - c) ukupan utjecaj na inkluzivnost škole;
  - d) planiranje;
  - e) promocija; i
  - f) održivost.

## Nagrade

Odabir najboljih primjera inkluzivne školske prakse obaviti će se u avgustu i septembru 2022. godine. Osam najboljih primjera inkluzivne prakse, koje odabere komisija, bit će nagrađeni pametnim tablama ili digitalnim kamerama i promovirani na svečanom uručanju koje će Misija organizirati u novembru 2022. godine.

**Dodatne informacije** o takmičenju možete potražiti slanjem e-maila na adresu [ponosninasvojuskolu@osce.org](mailto:ponosninasvojuskolu@osce.org).